

Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatos & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

§. 12. Quid circa instructionem devotarum Personarum observandum sit.

[urn:nbn:de:hbz:466:1-48248](#)

cationis, & perfectiorem illius executionem proderit, si tigulas quasdam & axiomata illi suggesterit, juxta quæ in ipsa vita Religiosæ decursu sese dirigere & stabilire posuit. Quia v. g. esse possunt: Si quis non renunciat omnibus, quæ possidet, non potest meus esse Discipulus. Tantum proficiens quantum tibi vim intuleris. Tantum ad virtutem adjicias quantum ex voluptate detraxeris. Prima virtus Monachus est, Hominum judicia contemnere. Sicut abundant Pannenes Christi in nobis, ita & per Christum abundat consolatio nostra. Nemo mittens manum ad aratum, & respiciens retro aptus est regno DEI. 5. Eundem ob finem poterit eidem etiam libellus aliquis spiritualis de bono Religionis vel Status Ecclesiastici tractans ad legendum offerri, maximè Hieronymus Platus, aut Lucas Pinellus de perfectione Religionis. Plura pro hac Instructione reperiri possunt in libello, quæ Methodus practica certi vitæ Status diligendi inscribuntur, ubi omnia, quæ ad hanc materiam pertinent, clare, methodice, & solidè pertractantur.

§. IX.

Quid circa Instructionem devotarum Personarum observandum sit.

I. Per has Personas illæ præcipue intelliguntur, quæ in quounque statu constituta, non contentæ sunt, DEI & Ecclesiæ præcepta servare, sed insuper etiam ad perfectionem Christianam suo statui convenientem aspirant, & ideo quia DEI se servitio impensis devotent, devotæ merito non cupantur. In quibus sanè dirigendis major, quam in illis aliis, prudentia, dexteritasque requiritur; quæ quidem in sequentibus ferè præceptis & industriis consistere videtur.

II. In primis ante omnia, efficere conetur, ut bene intelligent, in quo vera devotio consistat, nam, ut bene S. Franciscus Salesius p. 1. introd. advertit, permulti actionibus & operibus quibusdam externis ad sanctam devotionem spectantibus se induunt, & palliant, & credunt Homines illos devotos & Spirituales esse, cùm à parte rei revera non minus simulacra quædam & inania phantasmata devotionis sint, his ut milites Saulis Davidem in lecto se deprehensuros sperabant; sed illius loco statuam duntaxat vestibus Davidi vestiti.

vestitam repererunt. Vera itaque vivaque devotio nihil aliud est, quam amor, non quidem qualiscunque, sed fervens & accensus; nam in quantum amor divinus animam nostram cohonestat, & ornat, gratia dicitur, divinæque majestati acceptos nos reddit; in quantum vero vires ad benefaciendum nobis confert, vocatur charitas: verum cum jam ad eum perfectionis gradum pertingit, ut nos non solum bene facere, sed etiam sollicitè, diligenter, frequenter, propterque Operari faciat, tum demum devotionis appellatur nomine. Quod ipsum S. Salesius apta similitudine declarat, dum ait, eandem ferè diversitatem inter Homines reperiunt, quæ inter aves cernitur; sicut enim inter aves aliquæ nunquam subvolant, ut Struthiones: aliae non nisi graviter, & demissè, & rarissimè, ut gallinæ, & anseres; aliae denique saxe, celeriter, & sublimè evolant, ut Aquilæ, Columbæ, Hirundines; ita & inter Homines aliqui reperiuntur, qui nunquam ad DEVVM subvolant, sed omnis eorum libratio & studium in terra, circa terram, & propter terram suscipitur, ut Peccatores faciunt; alij per opera sua quidem interdum ad DEVVM subvolant, sed graviter, & tardè, & tales sunt probi homines, qui nondum ad veram devotionem pervenerunt; Alij denique frequenter & expeditè ad DEVVM evolant, quales sunt ij, qui veræ devotionis donum à DEO sunt consecuti. Ex quibus omnibus colligitur, devotionem nihil aliud esse, quam agilitatem quandam & vivacitatem spiritualem, cuius adminiculo charitas suas in nobis actiones, aut potius nos per illam, prompte, affectuosèque exequitur, & operatur. Unde meritò hæc devotio à Patribus Spiritualibus sacarum spirituale vocatur; ut enim faccarum immatuos fructus dulcorat, maturorum vero cruditatem & malignitatem corrigit; sic devotio à mortificationibus amaritiem, & à consolationibus damna aufert; in hyeme ignis vicem supplet, in æstate roris; novit abundare, & penuriam pati; facit, ut æquid profit honor & contemptus; voluptatem simul ac dolorem pari vultu accipit, & mirabili nos suavitate & gaudio replet.

III. Hæc devotionis natura in genere cognita allaboret, ut etiam, quid in specie ad eandem requiratur, cognoscere, &

H 5

re, &

re, & implere studeant. Quia in re facem iterum S. Franciscus Salesius præferet, qui in p. 3. Reg. c. 4. §. 5. duos assignat gradus hujus devotionis, quorum prior in eo consistit, ut precepta DEI & Ecclesiae, quæ cuivis Christiano communia sunt, cum omni sollicitudine observentur; sine his enim nulla devotione speranda est. Posterior gradus est, ut præter precepta illa omnibus communia, particulares etiam status, vocacionisque suæ obligationes accuratè ac promptè quisque implat; quod si facere omittat, etsi mortuos in vitam resuscitat (inquit rectè S. Salesius) expers devotionis est, imo à gratia D E I . & in Statu, periculóque certæ damnationis, si eum mori contingat.

I V. Ut hos gradus tantò perfectius assequantur, hontent illos, ut devotionem velut Scalam à Jacobo Patriarcha olim conspectam, per quam Angeli ascendebant ad DEVM in aperte Scalæ subsistentem, & ab eodem iterum in terram descendebant, sibi imaginetur, indéque discat, sibi quoque actiones suas ita distribuendas esse, ut per easdem modò ad DEVM ascendat (certa videlicet Orationis, Missæ audiendæ, Conscientiæ exutiendæ, Lectioni spirituali &c. tempora constitudo) modò iterum ad terram descendat, nempe vel proprio necessitati corporali per refectionem, relaxationem, sommerviendo, vel Proximo per varia opera charitatis juxta vocationem suam inserviendo. Atque in hac distributione, opérumque quotidianorum accurata, & hilari transactione tam suam perfectionem sitam esse existimet, nam ut sapienter illuminatissimus quidam Asceta dixit: *Summa Religionis (imò & cuiusvis Christiani) perfectio est, communia queque Religionis (aut alterius Statū) opera perfectè obire.*

V. Præterea illos hortetur, ut, si veram devotionem conservare velint, omne id studiosè, fortiterque eliminant, quæ eidem obstaculo esse potest, qualia præcipue sunt animi lenitas & inconstantia, quæ non raro in causa est, ut, quæ bene prudenterque proposita sunt, executioni non mandentur, mutentur, & alia atque alia eo prætextu, quasi meliora appareant, suscipiantur; vel tam multa, tamque diversa fieri arripiantur, quæ simul consistere non possunt; ex quo fit, pleni duntaxat bonorum desideriorum semper existant, tandem, dum omnes ad perfectionem tendendi vias au-

Nosē rimantur, aut temerē ingredi parant, multis prægravati desideriis & propositis tum difficultibus, tum permolestis, vel succumbant penitus, vel plurimū retardentur; illa enim animū nostrum perplexum admodum, inquietūmque efficiunt, ut bene cœptum opus aut propter occurrentes difficultates, aut propter multitudinem curarum imperfectum, aut penitus infectum relinquatur.

VI. Denique & illud ejusmodi devotæ Personæ admōnendæ sunt, ut rectè iterum S. Franciscus Salesius insinuat p. 3. reg. c. 7. §. 4. ut sancta cum libertate in suis exercitiis devotionis procedant, ita ut neque ad sensibilia solatiola, neque ad similia pietatis opera adeò affixi sint, ut, si vel infirmitate, vel casu improviso, vel honestis, legitimisque de causis, vel Proximo indulgendi, serviendique studio ab ijs avocentur, & impedianter, mox inquietudine, animique morositate, & impatientiā conturbentur, sed in continua mentis tranquillitate perseverent, consuetāmque illis charitatem, sua vitatēmque exhibeant, qui ab exercitiis omissis impediverunt; nam neque sensibiles nimium in suis actionibus, nec molles nimis in propositis eos esse convenit, eò quòd hæc vitia inquietudinem & anxietates conscientiae inducant, superstitionisque periculo exponant. Satis ergo illis sit, arborem devotionis & bonæ voluntatis, actis profundè radicibus firmiter consistere, nec curandum magnopere, si à ventis aut folia, aut fructus, aut rami etiam agitantur, altè radicato & inconcusso, & firmiter consistente arboris truncō. Unde rectè pius Asceta l. 3. c. 16. *devotus homo, inquit, ubique secum fert Consolatorem suum IESVM, & dicit ad eum: Adesto mihi, Domine IESV, in omni loco & tempore. Hac mihi sit consolatio, libenter velle carere omni humano solatio. Et si tua defuerit consolatio, sit mihi tua voluntas & insta probatio pro summo solatio; non enim in perpetuum ira seris, neque in aeternum comminaboris.*

§. X.

Quid circa Instructionem Juventutis & Pueritiae observandum sit.

I. **H**Æc Instructio, si ulla alia, cordi vel maximè debet esse Operario Apostolico, cùm experientiā quotidiana
con-

constet, primam institutionem, quam velut liquorem optimum recentes quodammodo testæ imbiberunt, & servati diutius, &c, si quidem constanter in eadem perseveretur, rectissimo tramite, sine magnis ambagibus, periculorumque anstrebitibus, inoffenso pede ad cælestem Paradisum perducere. Unde meritò S. Franciscus Salesius p. 2. Reg. c. 8. concludit magna industria, labore, & sollicitudine opus esse ad teneros Pueritiae & Juventutis animos efformandos, nihilque omitendum, quod ad illius profectum promovendum conducere queat. Quem in finem sequentes ab Operario industria adhiberi possunt.

IL. Primò itaque ante omnia dicit operam, ut elementa sermonum DEI, id est, prima Fidei Christianæ mysteria edocescantur, nôsse scilicet DEVum Conditorem, Remunctoriem, & Servatorem; nôsse mandata DEI & Ecclesiæ: nôsse peccatorum & bonorum operum diversitatem, & alia, quæ in Catechismorum compendijs continentur; ad quem haec ipsimet, in primis ejusmodi Pueros & Puellas, ubi ubi potest, sive in Ecclesia, sive in domo propria instruat, sive in paternis aedibus, dum Parentes quocunque ex titulo visitaverit, examinata & simplicissima instructione tales doctrinas Catecheticas instillare conetur. Quod ne difficile aut dignitati suæ minus decorum videatur, saluberrimam S. Augustini l. de catechismo doctrinam altè menti suæ insculpat: *Eternus Pater inquit, ut Verbum suum captui nostro aptaret, & usibus Hominum addiceret, adeò demisit, ut carne & corpore vestiret; ut pigeat Doctorem & Magistrum verba & conceptus mentu suorum deprimere, & abiectis, vulgaribusque vocibus subiicere, ut Auditorum rudium captum non superent?* Certè Elias & Elisa ut Spiritum communicarent Puer, non veriti sunt instar Pueri membra contrahere, & os super os, manus super manus, pedes super pedes coartando se apponere; quidni ergo & Operarius Apostolicus, ut Spiritum gratiæ Juventuti & Pueritiae infundat, omni modo se ad eorum captum se demittat?

III. Jacto hoc fidei & instructionis Catholicae fundamento, Tobiae senioris exemplum imitetur, & ab infancia contumere DEVum, & abstinere à peccato doceat, gravitarem illius & turpitudinem ex poenis maximè & suppliciis tum in hac, tum in altera vita infligendis (hoc enim motivo prae-